

# People *plus*

**VOT POUR SESEL FER PLIS PROGRE  
JAMES MICHEL**

## SNP PE DEMANN WAVEL POUR DEMISYONNEN

Zafer pe mars mal dan kan ver. Lekel ki responsab sa divizyon, larzan ! Sanmenm sa ki ti fer Zida vann Zezi Kri apre i ti al pann avek en pti brans byen ba-konmdir sanson. Wavel dapre konpran, e parey nou ti war dan sa fame portre kot printec, pe pran lanvlop larzan ek gro moustas. Dan Kan Ver zansla pa kontan ki i fer sa aköz byen koze fer byen konpran, i pe promet gro moustas plas trezorye SNP. Siana ki son

dalon pe dir i pli gro sponnsor SNP pa kontan deplis i pa siport sa gro moustas ditou, i byen ankol-er. I'n dapre konpran dir avek Wavel, mon larzan pour mwan, me sa parti pa pou ou, ALE ». Siana, touzour dapre son best friend St Louis, pe anmenn ranplasan Wavel. E li Wavel in santi loder son depar, pe fer dimoun dan kan ver spy lo Siana. Lekel son spy? Pa lot ki Regi.

Tou dimoun i annan son pri, Siana in reisi konvenk plis ki lanmwyte manm komite egzektiv pour pa vot pour Wavel dan prosen konvansyon. Sanmenm sa konvansyon in ganny anvoye. Dan kote Wavel i annan zis Regi, Gervais ek Norbert. Lo kote Siana tou leres. Nicholas pov dyab dapre konpran zis li ki annan sa parti aker i ganny kit dan en fernwan. Li i dan milye pe sey ganny

en konpran lekel ki pou win sa rise pouse. Wavel pe fer son bann siporter onte. I'n perdi eleksyon kat fwa. I annan alegasyon ki i pran larzan. SNP pa zanmen fer lodit. I ensilte e gognard dimoun. La dernyen i deplase sorti Arpan Ver pour al Printec kot gro moustas pour demann larzan pour SNP apre tou sa maltrete ki SNP in maltret gro moustas.



Wavel pe fer siporter SNP onte

NON	PANSYON LE MWAN	TRAVAY TOTAL POUR SESELWA
Wavel Ramkalawan	45,964.50	Zero
Nicholas Prea	20,265.63	Zero
Regina Alcindor	17,631.09	Zero
Clifford Andre	9,650.86	Zero
Sandy Arrisol	9,650.86	Zero
Paul Chow	10,635.64	Zero
Francis Cupidon	10,044.77	Zero
Gerard Julie	10,044.77	Zero
Bryan Julie	9,453.90	Zero
Christopher Gill	10,635.64	Zero
Bernard Georges	23,527.56	Zero
Jean-Francois Ferrari	17,664.90	Zero
Anthony Derjacques	12,924.44	Zero
Terence Mondon	20,265.63	Zero
Norbert Loizeau	10,832.59	Zero

# DAN LARI BAZAR

## SA KI POU TAP SA PENALTI

Maryaz pa ankor fer, divors in konmanse. I kler ki Pat Pillay deplizanpli pouwar pe mont dan son latet. Sa Msye i vremen krwar ki i so, so, so. La dan son dernyen entervyou karikatir lo Facebook in maltret Ramkalawan e dir ki sa Msye in ler pour sed laplas akoz i pa konn tap penalti. Pat Pillay ti pe eksplike ki tou bann zwer futbol ki'n sey tap penalti kont James Michel dan lepase, pa'n kapab met gol e li sa nouvo zwer ki kapab fer li. Bokou dimoun in enterpret sa, fodre pa ki Wavel i debout koman en kandida lopoziyon ini.

Dapre konpran en Wavel byen ankoler pe komans maltret Pat Pillay. I dir ki sa boug ozordi pe koz lo koripsyon, kan pandan 15an i ti pe beny dan koripsyon. Konmsi Bakiki "la lekel ki pou Ronaldo?"

## R300 MIL AN PLIS POUR TRIKO

Zot gro Simonn ti pe tap tou pour fer sir ki maryaz son garson i en gro welele. I'n menas biznesmenn ki pa'n oule pret li larzan e sinwan i ankor pe rod li ek son bikaw. La nou fek tande ki i ti oule koul Rama R300 mil lo larzan triko. I ti ofer pour li fer triko pour lansman Lalyans a en pri R600 mil. Me maler, Rama in al kot zwer fer triko limenm e in devwal ek Rama ki i ti'n dir Simonn i pou sarz li zis R300 mil pour sa bann triko. Rama, fini anmerde e partou i pe maltret Simonn, pe dir ki Simonn i krwar i bet parey Lutta. Zot tousala manner i apele?

## PROBLENM DAN KAN LALYANS

Lalyans pa ganny en konpran kimannyer tou zot nouvel e tou sa ki zot diskite dan miting, State House i konnen. La pov dyab, Clifford Andre pe ganny blanmen. Deryer son ledo zot pe dir ki li ki pyon e zot pe rod en fason pour pous li.

Dan dernyen miting Coco D'or Sanmdi pase, dan labsans William Herminie, Pat Pillay in demann bann lezot manm pour al reflexir kimannyer pour apros William pour demann li pour demisyonnen akoz in vin en lanbara pour zot. Ton Yann rann sa bann dimoun zot larzan e les sa bann pti marimba trankil!

## WAVEL PE MISOUK KOT MONIMAN LAVWA LANASYON

Bann envite kot seremoni fer monte paviyon le 18 Zen pour komemor Lazournen Konstitiyon ti riy tousel letan zot ti remark sa pikep blan ki ti pe misouk pour gete lekel ki la. Kanmenm Wavel ti pe fer tou pour kasyet, zansla ti remark li. Lekel i ti pe rode, son zwer Bernard Georges?

## BE KI SA MOUS?

Dan entervyou Pat Pillay lo facebook, nou war en mous pe enteronp Pat Pillay pandan son entervyou. Be ki sa loder ki ti pe envit sa mous ? Sa asiz drwat pa ti en lanvi twalet ?

## KOT THERESE IN GANNY LARZAN?

Rimer dan Lari Bazar se ki gro Therese, sa aktivis Lalyans ki ti harass sa tantin La Digue in ganny met deor. I paret i annan en zafer R47 mil ki'n disparet. Therese i dir Martin ki'n pran, Martin i dir Therese ki'n pran. Nou nou vremen pa konn naryen dan sa zafer. Me sa ki nou nou konnen, sa semenn Therese in mont avek fridge nef, Flat Screen nef, cooker nef, deep nef ek microwave nef

dan son flat Union Vale. Zot kot gro Therese in ganny larzan?

## TRANZAKSYON

### LARZAN PROVIDENCE

Depi ler nou'n debiste Wavel e montre lepep Seselwa ki i al rod larzan Printec kot Ramadoss, sa msye in sanz son stil an giz ki i nepli pran larzan ek Ramadoss. Salerla Bakiki ti vwar li anler Providence zot de en gro boug pe pran 2 lanvlop larzan avek drayver ramadoss. Ler Siana ki pa oule Ramadoss ditou, in tann sa, in ziz Wavel. Me li Wavel in dir ki zanmen in pran okenn sou avek Ramadoss.

La dernyen nouvel ki nou tande, se ki Siana pe fer peti syon pour tir Wavel koman dirizan parti SNP e konvansyon ki ti pou fer an Zilyet in aprezan anvoye pour le 2 Out. Ar wi Wavel we, aret fer Sandy ankoler.

## KOZ POUR MWAN CLIFFORD I DIR

Zot be ki pe arive avek Clifford Andre? Sa Msye i vremen anbisye. Nou konnen akoz pa'n donn li plas Speaker, sa Msye in deside al dan Lalyans. La dan Lalyans sa msye i oule pran kontrol parti. I pe dir avek sa enn de aktivis ki i annan anler Anse aux Pins, dir ek dimoun ki Pat Pillay i lo kote, e ki li Clifford ki devret vin dirizan Lalyans. I paret ki sa zistwar in ariv dan zorey gro Nweli, ki aprezan pe dir ek tou dimoun, kimanyer en boug parey Clifford i oule vin Prezidan kan Langleter in bezwen reasiz tou son bann legzanmen pour vin avoka akoz i ti fel tou. Si i vre pa vre nou pa konnen, pa nou ki'n dir.

Tou fason lalyans pe dir ki Clifford Andre i en espyon. Ar wi Clifford, vey ou mon zanmi. Ou bezwen aprann marse avan taye.

